



Pagkamit ng Diploma: Para sa Klase ng 2009 at Lagpas pa

Lahat ng estudyante ay nangangailangan ng matatag na pundasyon sa pagbasa, pagsulat, at kahusayan sa matematika para sa kahit anumang daang tungo sa karera (career path) na kanilang susundin pagkatapos sa sekondaryang paaralan. Ilan sa mga pang-estadong rekisito sa pagtatapos (graduation requirements) ay idinesenyo upang matiyak na mayroon ng pundasyong ito ang mga estudyante.

Para sa mga magtatapos na klase sa taong 2009-2012, ang mga estudyante ay kailangang pumasa sa iksamen ng estado o sa isang alternatibong aprubado ng estado sa pagbasa at pagsulat upang magkamit ng diploma sa sekondaryang paaralan. Ilan sa mga estudyante ay maaaring nakapasa na sa isa o higit pang iksamen sa pang-sekondaryang paaralang Washington Assessment of Student Learning (WASL). Simula sa spring ng 2010, ang mga estudyanteng hindi nakapasa sa nakaraan sa WASL ay kailangang kumuha sa High School Proficiency Exam (HSPE), isang alternatibong aprubado ng estado o isang pagsusuri para sa mga estudyanteng nasa espesyal na edukasyon.

Ang mga estudyante ay maaaring makatugon sa rekisito ng estado sa matematika sa pamamagitan ng pagpasa ng pang-sekondaryang matematika sa HSPE, isang alternatibo na aprubado ng estado o isang pagsusuri para sa mga estudyanteng nasa espesyal na edukasyon, O. magkamit ng dalawang kredito sa matematika, pagkatapos ng ika-10 baitang. Kailangang ang estudyante ay nakakuha na ng isang beses sa iksamen ng estado sa matematika bago gamitin ang alinman sa mga alternatibo. Bukod dito, ang Koleksiyon ng Ebidensiya (Collection of Evidence) ng matematika ay inalis hanggang ang matematika ay magiging rekisito sa pagtatapos para sa Klase sa taong 2013.

Ang mga estudyante sa klase sa taong 2013 ay ang unang kakailanganing pumasa sa pang-sekondaryong paaralang iksamen ng estado sa agham at matematika, isang alternatibong aprubado ng estado o isang pagsusuri para sa mga estudyanteng nasa espesyal na edukasyon. Ang Klase sa taong 2013 ay magkakaroon ng karagdagang opsyon ng pangkatapusan (end-of-course) na mga iksamen sa matematika. Para sa karagdagang impormasyon, mangyaring bumisita sa:

<http://www.k12.wa.us/GraduationRequirements/default.aspx>.

Mga Rekisito sa Pagtatapos sa Estado ng Washington

(Nalalaman sa pagpasok ng estudyante sa ika-siyam na baitang)

Mga Klase ng 2009-2012 (Mga estudyante sa ika-9 hanggang ika-12 na baitang sa taong 2008-2009)	Klase ng 2013 (Mga estudyante sa ika-9 na baitang sa taong 2009-10)	Klase ng 2014 (Mga estudyante sa ika-9 na baitang sa taong 2010-11)
PAGBASA AT PAGSULAT Pagpasa sa pagbasa at pagsulat ng pang-sekondaryang Paaralang WASL/HSPE o pagsusuri sa mga estudyanteng nasa espesyal na edukasyon. --O-- Pagpasa sa pagbasa at pagsulat ng Opsiyon sa Sertipiko sa Kakayahang Pang-akademiko (alternatibong aprubado ng estado).*	PAGBASA AT PAGSULAT Pagpasa sa pagbasa at pagsulat ng pang-sekondaryang Paaralang HSPE o pagsusuri sa mga estudyanteng nasa espesyal na edukasyon. --O-- Pagpasa sa pagbasa at pagsulat ng Opsiyon sa Sertipiko sa Kakayahang Pang-akademiko (alternatibong aprubado ng estado).*	PAGBASA AT PAGSULAT Pagpasa sa pagbasa at pagsulat ng pang-sekondaryang Paaralang HSPE o pagsusuri sa mga estudyanteng nasa espesyal na edukasyon. --O-- Pagpasa sa pagbasa at pagsulat ng Opsiyon sa Sertipiko sa Kakayahang Pang-akademiko (alternatibong aprubado ng estado).*
MATEMATIKA Pagpasa sa matematika ng pang-sekondaryang paaralang WASL/HSPE o pagsusuri para sa mga estudyanteng nasa espesyal na edukasyon. --O-- Pagpasa sa matematika ng Opsiyon sa Sertipiko ng Kakayahang Pang-akademiko (alternatibong aprubado ng estado).* --O-- Pagkuha ng dalawang kredito sa matematika (o katumbas na pang-karera o teknikal na subject) pagkatapos ng ika-10 baitang.	MATEMATIKA Pagpasa sa matematika ng pang-sekondaryang paaralang HSPE, komprehensibong iksamen, o pangkatapusan (end-of-course) na mga iksamen o pagsusuri para sa mga estudyanteng nasa espesyal na edukasyon. --O-- Pagpasa sa matematika ng Opsiyon sa Sertipiko ng Kakayahang Pang-akademiko (alternatibong aprubado ng estado).*	MATEMATIKA Pagpasa sa matematika ng pangkatapusan (end-of-course) na mga iksamen o pagsusuri para sa mga estudyanteng nasa espesyal na edukasyon. --O-- Pagpasa sa matematika ng Opsiyon sa Sertipiko ng Kakayahang Pang-akademiko (alternatibong aprubado ng estado).*
IBA PANG REKISITO Pagtugon sa lahat ng iba pang pangangailangan ng estado at distrito ng paaralan para sa pagtatapos: Culminating Project (Pinakamalaking Proyekto), Plano sa Sekondaryang Paaralan at Pagkatapos dito at ang kinakailangang panglokal na kredito.	IBA PANG REKISITO Pagtugon sa lahat ng iba pang pangangailangan ng estado at distrito ng paaralan para sa pagtatapos: Culminating Project (Pinakamalaking Proyekto), Plano sa Sekondaryang Paaralan at Pagkatapos dito at ang kinakailangang panglokal na kredito.	IBA PANG REKISITO Pagtugon sa lahat ng iba pang pangangailangan ng estado at distrito ng paaralan para sa pagtatapos: Culminating Project (Pinakamalaking Proyekto), Plano sa Sekondaryang Paaralan at Pagkatapos dito at ang kinakailangang panglokal na kredito.

* Ang mga estudyante ay kinakailangang kumuha ng pang-sekondaryang paaralang WASL/HSPE kahit isang beses lamang bago gamitin ang alternatibong aprubado ng estado.

Lubos pang Matututunan Tungkol sa mga Rekisito sa Pagtatapos at sa HSPE

Tungkol sa Sertipiko sa Kakayahang Pang-akademiko at Sertipiko sa Kakayahan ng Indibidwal

- Ang mga estudyanteng papasa sa iksamen ng WASL/HSPE sa pagbasa, pagsulat at matematika ay magkakamit ng Sertipiko sa Kakayahang Pang-akademiko (Certificate of Academic Achievement o CAA) o Sertipiko sa Kakayahan ng Indibidwal (Certificate of Individual Achievement o CIA). Itatala sa transcript (sipi) ng estudyante ang sertipikong natamo nila.
- Sertipiko sa Kakayahang Pang-akademiko (Certificate of Academic Achievement) – Hindi ito isang rekisito sa pagtatapos hanggang sa taong 2013, ngunit ang mga estudyante ay maaari pa ring magkamit nito sa pamamagitan ng pagpasa sa iksamen ng WASL/HSPE sa pagbasa, pagsulat at matematika o Opsiyon sa Sertipiko Kakayahang Pang-akademiko (alternatibong aprubado ng estado) sa pagbasa, pagsulat at matematika.
- Sertipiko sa Kakayahan ng Indibidwal (Certificate of Individual Achievement) – Para lamang sa mga estudyanteng nasa espesyal na edukasyon. Hindi ito rekisito sa pagtatapos hanggang sa taong 2013, ngunit ang mga estudyante ay maaari pa ring makakuha nito sa pamamagitan ng pagpasa sa WASL/HSPE-Basic, WAAS-Portfolio, WAAS-DAW (Developmentally Appropriate WASL o Angkop sa Pagpapahusay na WASL) o Lokal na Itinakdang Pagsusuri (Locally Determined Assessment) sa pagbasa, pagsulat at matematika.
- Ang mga estudyanteng nasa mga klase ng 2009-2012 na makakuha dalawang kredito sa matematika pagkatapos ng ika-10 baitang, NGUNIT hindi makapasa sa matematika ng WASL o isa pang angkop na pagtasa o pagsusuri sa matematika, ay karapat-dapat pa ring makakuha ng diploma ngunit hindi makapagkamit ng sertipiko.
- Mayroong sistema ng pribilehiyo (waiver system) para sa mga estudyanteng lilipat sa publikong sekondaryang paaralan mula sa ibang estado o bansa sa ika-11 o ika-12 na baitang. Ang mga estudyanteng may mga kakayahan ngunit hindi nila ito naipakita sa WASL o alternatibong aprubado ng estado ay maaaring mag-file ng apela para sa espesyal at hindi-maiwasang pangyayari. Ang mga estudyanteng magtatagumpay sa apela ay magkakamit ng diploma ngunit hindi ng sertipiko.

Tungkol sa pagsusuri sa sekondaryang paaralan

- Simula sa spring ng 2010, ang High School Proficiency Exam (HSPE) ay papalit sa WASL ng pang-sekondaryang paaralan
- Ang mga estudyante ay mayroong limang oportunidad na tinutustusan ng estado habang nasa sekondaryang paaralan upang kumuha ng bawat paksang nilalaman ng WASL/HSPE: pagbasa, pagsulat at matematika. Ang Agham ay hindi ibinibigay sa buwan ng Agosto. Ito ay magbabago kapag ito ay naging isang rekisito sa pagtatapos sa taong 2013.
- Makapapasa ang mga estudyante kung ang puntos ay Antas 3 o 4.
- Ang pagsusuri ng WASL/HSPE ay nagaganap tuwing Marso/Abril at Agosto bawat taon. Ang WASL ay huling ibibigay sa Agosto, 2009.
- Proseso sa pag-apela sa puntos (score appeal): Ang mga magulang/mga tagapag-alaga, pagkasuring muli sa iksamen ng kanilang estudyante, ay maaaring mag-file ng score appeal sa estado.
- Para sa lubos pang matututunan tungkol sa iksamen sa estado, mangyaring bumisita sa: <http://www.WAtesting.com>.

Tungkol sa mga alternatibo sa WASL na aprubado ng estado

- Ang mga estudyanteng may kahusayan ngunit hindi nila ito naipakita sa WASL/HSPE ay maaaring gumamit ng mga Opsiyon sa Sertipiko sa Kakayahang Pang-akademiko o mga alternatibong aprubado ng estado.
- Makakakuha ang mga estudyante ng mga opsyon pagkatapos kumuha ng WASL/HSPE nang isang beses. Ang mga estudyanteng lilipat sa publikong sekondaryang paaralan mula sa ibang estado o bansa sa ika-11 o ika-12 na baitang, at ang mga estudyanteng lilipat sa publikong sekondaryang paaralan sa ika-12 na baitang mula sa labas ng estado o mula sa loob ng estado na pribadong paaralan o pagtuturo sa bahay o home-based instruction (sa ilalim ng mga partikular na pangyayari), ay maaaring agad na kumuha ng mga opsyon ng Sertipiko sa Kakayahang Pang-akademiko) nang hindi nakakuha ng pagsusuri sa sekondaryang paaralan.
- Ang mga Opsiyon ng Sertipiko sa Kakayahang Pang-akademiko (Certificate of Academic Achievement Options) ay ang:
 - Koleksiyon ng Ebidensiya – Ang mga estudyante ay gagawa ng kompilasyon ng mga naipagsama-samang mga halimbawa ng mga nagawa sa silid-aralan sa pamamagitan ng tulong ng (mga) guro. Ang mga koleksiyon para sa mga estudyante ng programa ng Edukasyong Pang-karera at Teknikal ay maaaring magdagdag ng kanilang mga gawain mula sa kanilang programa at iba pang klase. Ang estado ay nagbibigay ng puntos sa mga koleksiyon dalawang beses bawat taon.
 - Maaaring magkaroon ng Fee Waivers o pribilehiyo sa hindi pagbayad ang mga karapat-dapat na estudyante upang makakuha ng aprubadong pagsusuri ng PSAT, SAT, ACT at AP.
 - SAT o ACT – Maaaring gamitin ng mga estudyante ang kanilang mga puntos sa matematika, pagbasa o Ingles at pagsulat sa mga pagsusuri ng pagkahanda ng kolehiyo (college readiness tests). Ang mga pinakamababang puntos ay: **Pagbasa** – SAT: 350 ACT: 13. **Pagsulat** – SAT: 380 ACT: 15. **Matematika** – SAT: 470 ACT: 19.
 - Advanced Placement (AP) – Maaaring gamitin ng mga estudyante ang puntos na tatlo o mas mataas pa sa mga napiling iksamen ng AP: **Matematika** (calculus o statistics/estadistika), **Pagsulat** (Wikang Ingles at komposisyon); at **Pagbasa** (Panitikan sa Ingles at komposisyon, macroeconomics, microeconomics, sikolohiya, kasaysayan ng Estados Unidos, kasaysayan ng mundo, pamahalaan at politika ng Estados Unidos, o komparatibong pamahalaan at politika)
- WASL/Pagkompara ng mga Marka – Para lamang sa mga estudyante ng ika-12 baitang. Ang (mga) marka ng estudyante sa kanyang mga subject sa matematika at/o Ingles ay ikokompara sa mga marka ng mga estudyanteng kumuha ng parehong mga subject AT nakapasa sa pang-sekondaryang paaralang WASL/HSPE. Upang makakuha ng opsyong ito, kailangan na ang komulatibong Grade Point Average (GPA) ng estudyante ay hindi bababa sa 3.2 sa 4.0 na basehan ng marka (grading scale).
- Para sa lubos pang matututunan tungkol sa mga alternatibong aprubado ng estado, mangyaring bumisita sa: <http://www.k12.wa.us/assessment/CAAOPTIONS/default.aspx>.

Tungkol sa mga pagsusuri para sa mga estudyanteng nasa espesyal na edukasyon

- Ang mga estudyanteng nasa espesyal na edukasyon ay maaaring kumuha ng pang-sekondaryang paaralang WASL/HSPE na may akomodasyon o wala man o gumamit ng isa sa mga Opsiyon ng Sertipiko sa Kakayahang Pang-akademiko).
- Mayroon ding mga sumusunod na opsyon:
 - WASL/HSPE-Basic – Ang mga estudyante ay kukuha ng pang-sekondaryang paaralang WASL/HSPE – may akomodasyon man o wala – ngunit ang mga pangkat ng IEP ay mag-aadjust ng kriteriya ng pagpasa mula sa Sanay o Proficient (Antas 3) papuntang Basic (Antas 2).
 - Portpolyo ng Sistema ng Hinaliling Pagsusuri ng Washington (Washington Alternate Assessment System o WAAS Portfolio) – Ang mga estudyanteng hindi makakuha ng pagsusuring gamit ang papel at lapis ay magpapakita ng kanilang kahusayan at kaalaman sa pamamagitan ng koleksiyon ng kanilang mga gawa.
 - Angkop sa Pagpapahusay na WASL (Developmentally Appropriate WASL o WAAS-DAW) – Ang mga estudyante sa ika-11 at ika-12 baitang lamang ang makakakuha ng WASL/HSPE – mayroon man o walang akomodasyon – na may markang ang antas ay pinakamalapit na nagtutugma sa kanilang abilidad. Ang mga estudyante ay makapasa sa DAW sa pagkuha ng Antas 3 sa bawat pagsusuring nakuha.
 - Lokal na Itinakdang mga Pagsusuri (Locally Determined Assessments) – Para sa mga nasa ika-12 na baitang na nangangailangan ng binagong pamantayan sa kahusayan (modified achievement standards).
 - Pribilehiyo sa Antas ng Pagkaalam (Awareness Level Waiver) – Para sa mga estudyanteng nasuri na may paggawa (performance) na nasa “pagkaalam” na antas.
- Para sa lubos pang matututunan tungkol pagsusuri para sa espesyal na edukasyon, mangyaring bumisita sa: <http://www.k12.wa.us/assessment/altassess.aspx>.